

形骸如糞土既去矣安足惜妻信僧言泣而焚之明日而周回則已無形體可生矣空中咄咄責其妻而去異日僧復來妻以前事告之僧曰吾適方聞訃故來前日未嘗至乃悟魔所化也其家復置周影像於僧舍日輪一行者奉香火必於地得四錢又留醋一甕竟至久不敗

劉大頭

松校遼齊徐誼秦人也宋哲宗紹聖中赴調京師過洛中時盛寒旬者卧道側誼憫然憫之探篋中得錢三百文盡以畀之旬者初不謝既行數十步始於馬後追呼云衙官人仁惠濟此餘生官人他日到京城願訪竹冊巷劉大頭家誼許之到京已忘前語一日詣親故過小巷問左右云此竹冊巷也誼乃憶旬者之言扣門呼劉大頭者三大頭出迎曰官人信士乃肯訪此賤老攝坐小軒中呼其妻出迎拜曰我前日不遇官人且為餓殍幸命具酒盤中惟貯大桃數枚酒三行誼辭退旬者曰貧賤無以為意願獻此桃而已誼神之

以歸及至所居覺漸重不能勝取視皆真金也復往則其室虛矣

歷世真仙體道通鑑卷之五十一



正一天師清微弟子 洪百堅 製作

歷世真仙體道通鑑卷之五十二

浮雲山聖壽萬年宮道士趙道一編修

劉混康

劉混康字志通晉陵人其上世皆不仕母朱氏於宋仁宗景祐二年十二月二日茅君下降之夕夢一羽士入其室覺而生混康年十三依本郡太和觀道士湯含象受業嘉祐五年試經為道士脫落世故日閱道書於洞經妙旨獨心得之患世無明師乃散髮登壇以天為宗已而聞三茅道士毛奉柔偏得觀妙朱君之道遂往依焉毛一見而奇之悉授以大洞經籙乃結庵於積金峯居一日有羽人同造其廬指庵之東隅謂之曰汝即此居抱神守中德惠及人富無愧於前人矣又顧混康額間曰此無作之地道之所尚非可以有疵也以手捫之明日瘕滅混康由是勤行利人遠近宗仰哲宗時召至京師賜所居庵為元符觀徽宗即位召赴闕皇朝通鑑紀事本末云混康有節行頗為神宗所敬重崇寧二年乞歸山七月有旨用故上禮信之崇寧二年乞歸山七月有旨用觀妙先生朱自英奏草九老仙都君即文殊

五賜之仍賜號葆真觀妙先生五年七月加號葆真觀妙沖和先生大觀二年四月同泰州道士徐神翁天師張虛靜一時復會上清儲祥宮各賜道院以居未幾羽解五月特賜太中大夫始末優異備載豐碑

### 王荃

王荃字子真鳳翔陽平人其父登科兄弟皆為進士荃獨閑居樂道一日郊行憩瓜圃間野婦從乞瓜乳齋於腹荃知非常人問其姓曰吾蕭三娘也荃取瓜置諸案以遺之婦就食輟其餘曰爾可嘗乎荃接取而食無難色婦曰可教矣神仙海蟾子今居此當度後學吾明日挾汝往見及見海蟾海蟾曰汝以夙契得遇我命長跪傳至道授丹訣戒以積功累行遂還家白母遣妻歸周游名山一時大臣薦其賢賜封沖虛處士宋哲宗元符三年再游茅山先是中峯石洞忽開真語所謂華陽洞天使門者也一開千歲矣又甘露符降道士劉混康曰必有異人既而荃乃來受上清錄是乃仙樂聞于空浮之上留踰歲畫夢

二天人與黃衣使者數百乘擁白虎來迎跨虎而行登危躡險由中峯入石洞向所開使門顧視左右金庭玉室兩青衣童子入通見茅君再拜謁君問勞甚厚白帝已勅汝華陽洞天司命府丞因賜金勅以還及寤別混康曰吾數將盡且有所授從此逝矣下投道人葛沖曰敢以死累公預言八月十七日當解化及期具衣冠端坐而逝時徽宗建中靖國歲春秋六十一

### 徐守信

神翁徐守信海陵人也為天慶觀備役服弊私曳繩屨或時跣足而行終日無為惟執筭洒掃且誦度人經不絕口有道士徐元吉他方來病癩甚惡眾厭惡之斥居觀後茅廬中神翁獨駐事之元吉已而死神翁丐錢為食瘞既已歸茅廬哭三日出而得狂稍稍有異事人神之因稱為神翁始知得道於癩道士也觀中或絕食神翁曰吾當為汝求之即入殿上卧久而出語眾道士曰至矣頃之負米而至者肩相摩也有以白金為奉神翁置之

床盜闖其亡方發闖而入則見神翁正色坐床上盜懼而走自是四方多來問災異呂惠卿吉甫除喪赴闕枉道過神翁神翁驚奔吉甫追之神翁顧謂曰善守善守吉甫拜而去既還朝俄以事黜知單州蔣之奇穎叔主發運江淮議鑿漕渠而憂有石不可跡導疑未決以訪神翁神翁望其來道諭之曰開即開何許人也穎叔嘆服曰異人也漕渠遂果開宋哲宗不豫遣吉甫降香至神翁書符吉甫以進未幾徽宗嗣位崇寧初召之不肯往強與至東都復不可留乃禮歸之即海陵為建仙源萬善宮使居焉大觀末尸解去

### 張潤子

張潤子不知何許人也往來嵩高山中常為役於諸道士精舍而不肯受其一錢躡屨而衣楮寒暑不易也每語人曰人身要滋潤人不領其旨但呼為潤子或叩其言則復謬亂其辭不可詰世傳其詩曰溟濤深藏大道根槁形存志默然昏霧兩酒崑崙路浩浩風轟瀚海門日月氣交金鼎暖乾坤又動玉爐

溫須將此理生前煉莫學凡夫死後論久之去備於鄭州之新鄭李氏宋徽宗崇寧三年辭李氏留頌曰學勤于初成之有餘一身常潤百海不枯道隱元冥穀食鳩居精成功畢復我清都是日語其徒曰玉皇有詔吾昇天矣頃之舍東南巨槐上有五色雲天樂之音潤于素雲而去

王吉

王吉單州老兵也盛夏常坐卧烈日中隆冬沒溪水惟見其首邦人多稱其有道宋徽宗崇寧初為侯虛從其父為單州太守吉時過虛虛延之書館飲以酒酒竟吉輒取案上筆書精方用藥纒一二以治奇疾無不愈者虛方少年未之重率隨手棄之一日吉來語虛曰貴人頗以酒食害脾胃遂致恙吾以按摩法授君然慎無漏吾言已而忽告虛曰吾將去矣翌日而化為為塵之居數月有見於傍郡者歸發瘞惟所躡獨存焉虛自是年垂七十頰如桃花益能加餐每刻飲至夜分而用其所授之法有驗虛始悔恨少時不能知其

異人求學其所以長生久視者虛所受雖其兄亦不得傳兄來知政事也

祝大伯

祝大伯不知何許人也嘗為備於信州貴溪桂安時家大伯外若推頓者而服役唯謹一日忽自外來舉止異常且曰適有道人以藥遺我今能不食矣安時驗之果然自是盛夏暴烈日中冬偃冰上然為備如故桂氏稍重之欲以為客大伯辭曰吾當為人備歲滿乃去爾久之當宋徽宗大觀三年忽告安時曰去此十餘里白花若有人召我主翁能俱往乎安時即從之未至已聞管絃之音彤雲郁然覆山安時方愕哈而大伯辭去言未卒已不見

劉益

劉益京兆藍田人也隱居子真廬廬六十年膚如玉面有壯容飲酒數斗不亂上下峻坂若履夷途宋宣和初京兆以聞徽宗遣使召之方秋劇雨泥淖沒踝益徒步而使者駢不能及既至東都徽宗禮之厚然非所樂也力

求還山常止於華嚴川浮屠精舍宣和末告其徒曰山川草木何腥膻之甚耶吾惡之遂尸解去將葬體如蛻焉已而戎難作其徒始異其言

魏二翁

魏二翁濮州雷澤世農也鄉父老自幼見之狀貌常如七十餘身一布裘手持蒲筴杖而行素不知書矐子若眊然而能蠅頭細書時時語人禍福里閭稍重之方嚴冬或裂纊奉二翁竊盜間知之夕至所止廬傍二翁逆呼其名曰爾需我纊手遂投與之盜驚謝再拜而去先是郵城有王老志者徽宗嘗夢見之即日召至東都少馬復聞二翁名遣使即所在起之使者訪得其廬但聞二翁鼻息齶齶如雷而不見其形影使者懼無以復命請甚至二翁只在其廬也迫之行則又不知所竟不能致惟得頌一章以歸其辭曰我今入山避此囂煩倚以卒史聘以達官豈易我藥物外清閑養真存氣七返九還金丹既就遂步仙壇蓬萊絳闕玉戶金闕有能學我雲

路非難宣和初忽尸解去鄉人為斂葬之舉棺若空遂啓視之惟有藏頭詩云火田心主須防慎行方成後世傳守坎離為要妙趨名利作憂煎若識丹霞法路應歸紫府仙

王老志

先生姓王名老志濮州之臨泉人也嘗過鍾離真人授內丹要訣以道術知名沂州有公吏欲求事左右寄所親致意先生答之詩曰多年逸罷老公人手種麻數百根蓋是筆頭接燃得一枝枝上有冤魂竟拒不見惟有士人饒口欲以語窮之往造焉其居四面環以高牆但開狗竇出入士人匍匐就之方談辭如雲忽見地有旋渦處俄已盈數尺中有鱗甲如斗大先生謂士人曰子坐歸稍緩必致奇禍士人遽出行未五里雷電兩雹條起馬路局不行乃入土室避之望生生庵處百拜乞命僅得免宋徽宗政和三年九月詔州縣敦遣至京師賜號洞微先生四年正月加號觀妙明真洞微先生先生雖掉頭祿泰然時出危言諷天子一日徽宗召之入禁禁顯

蕭皇后在坐先生卒然出幅紙曰陛下他日與中官皆有難臣行死不及見矣臣有乾坤鑑法可以厭穢然尤當修德始可回天急請如臣法鑄乾坤鑑各以五色流蘇垂寘於殿殿臣死後當時坐鑑下記憶臣語日微一日

思所以消變於未形者上諫受其說有詔花工鑑成進御而先生歸漢解化皇朝通鑑紀事本末明真洞微先生王老志年四十九歲以葬贈正議大夫宣和錄云先生所居地必生花靖康陟方之禍二官每寶持之且嘆其先識納君於正道也

李思廣

李思廣字景淵廬陵之吉水人也幼歲隸業間明觀後稷經受冠褐志操特異每放意山水間得錢即易酒或獨飲于市年逾七十容貌不衰少與人言不知其何修證也宋徽宗政和四年浮游螺川常駐于習溪橋酒家一老嫗頗以為異常以倩酒飲之不問酒直有無歲久不替一日忽謂嫗曰我將有所往謝爾厚饋別得奉書為報又留飲至醉宿于肆中次晨起視則已化去形體溫然若生香滿

一室復聞于外速報所親殮葬後園月餘有客自衡嶽來者云途中邂逅景淵樵亦熟識見衣冠如故寄書謝酒嫗及親族後聚眾發冢開棺不見其尸唯存條繫竹杖而已

榮陽

榮陽東平人也常鬻墨於市人稱之為二郎其後遊蜀至尤縣與郡從事登越王樓夜有屋瓦墮二郎曰一敗鬼為之爾從事以問守卒云日者繕修樓時有醉人墮敗而死從事大驚二郎俄謂太守趙某曰宜亟去不然禍將及明年南蠻毀障候深入蜀以下皆得罪宋徽宗宣和初詔求異人部刺史以名聞詔乘傳至東都二郎曰時方如是我尚何為哉部使者強之不得已遂就道既至徽宗訪以所學不對因賜錢十萬遣歸二郎復還蜀于居不食惟時飲酒與成都諸生馬倩飲間中飲已二郎舉袂若有所招者頃之錢出於袂盈凡上而去會其數則與酒直相當也見病者則取木枝尺許虛之置病處尋取擲于地踐之或又棄之病者輒愈或苦目眊二郎曰

吾分汝以目光即張目令眊者視之二郎目无注射殆不能視其眊亦減一日携鄒子成墨過劉長源父所長源父調之則爛爛成金矣長源云見二郎四十年有壯色未嘗衰多言隋唐五代事或曰二郎蓋善移精變氣之術高宗紹興中榮凝以提舉茶馬入蜀云二郎其曾大父行也蓋其先五世曰謹者轉滑益都二郎從之當時殆百數十歲居青城山小麻溪於紹興間化去

雍廣莫

汪叔詹字致道徽州歙人宋高宗紹興十八年以司農少卿總領湖北財賦嘗赴大將田師中宴集適最後至漕使鄂守已先在與田奕棋一道人曰本先生者亦坐於傍見汪指曰久別徒否汪愕然曰相與昧平生何言久別道人曰公已為貴人忘之矣獨不記宣州道店說牛奇章事乎汪矍然起謝道人去汪謂諸客曰徽宗崇寧五年初登第得宣州教授以冬月單騎之官投宿小村邸惟一室一秀才已先居之曰甚暮不可前不得已推

戶徑入曰值暮至此與公同其室可乎秀才方踞火坐顧曰唯唯良久忽言曰公曾讀唐書否某慍曰某雖寡學寧鄙陋至是又笑曰記牛僧儒傳否某以其言無序怒不答秀才曰吾言非他公乃僧儒後身前生為武昌節度使緣未盡今生當再往異時官祿多在彼土矣某亦異之疑為相師問其姓字徐對曰公知有雍孝聞者乎吾是也自崇寧之初殿廷駁放浪迹山林偶有所遇爾叩其術不肯言終夕相對論大道而已至曉別去不復再見蜀人皆言其已死過諸道人之貌蓋雍君也豐采與四十年前不異真得道者也坐客莫不驚嘆汪再漕湖北又守鄂州為總領累年皆在武昌本生名廣莫往來河汜間見人惟談文墨殊不及他事無有知其為異人者沈潛字道源亦識之云政和中以道士說法徽宗謂其得林靈素之半故以木為姓

皇甫渙

皇甫渙字致遠開封人也賦性閑淡有敏識卓見修舉業之暇尤妙於三玄知命不負學

作黃冠在京東太乙宮受業舉止狀義而不明宋徽宗政和初朝廷興道學先生向化次年試辟雍作魁聖覽程文賜金壇郎不就乞換自在公憑野裝游歷尋訪於西洛過至人馮野人得其道要後遊南嶽棲凌虛臺真觀思真未幾詔赴闕居太一宮高士寮後乞還山居汝水而坐亡

茴香道人

宋徽宗政和末林靈素開講於寶籙宮道俗會者數千人皆擊聽致敬獨一道人瞬目在前立林訝其不拜叱曰汝有何能答曰無所能林曰既無所能何以在此復答曰君無所不能亦何以在此徽宗時在幕中聽竊異之宣問實有何能對曰臣能生養萬物即命下道院取可以布種者得茴香一掬以付之俾二衛卒監視種於良獄之趾仍護宿於院中及三鼓失所在明日視茴香蔚然成叢

鄒葆光

鄒葆光少隸羅浮山冲虛觀道士籍宋徽宗宣和中名聞九重召至凝神殿試以道術有

七道士從之倏不見上問為誰葆光對曰臣居山習劍術此七人者古松也上異之拜金壇郎

### 龔元正

龔元正字端本武陵人家貧好學帶經而鋤後去為道士天性淳慈向道精專初建新宮大殿巍樓傑閣廣廈重廊金碧輝映手植松杉數十萬株宮成賜額萬壽賜號冲逸大師住持四十年未嘗背聚一食一日召其徒曰不出五日吾逝矣四日端坐誦老子道德經達明儼然而化時宋徽宗宣和年

### 沈若濟

沈若濟臨安人結庵茅山以施藥為務宋徽宗宣和間蒙召對賜封洞元先生嘗指華陽洞之東隙地曰死必葬我於是其徒以地勢汙下為言不聽高宗紹興十五年解化其徒奉治命掘地六尺許得石板大書六字曰沈公瘞劍于此觀者異焉

### 張淡

衢州人徐達原居郡之峽山少年時好與方

外人處有張淡道人過之留館其門中服蕭然惟著青布夾道衣中無所有雖盛冬不益也每月夕則攜鐵笛入山間吹之微曉乃止達原學易嘗閉戶撰大街數不得其法張隔室呼之曰一秀才此非君所解明日當語子

明日投以執柝等步之術凡人生死日時與什器草木禽畜成壞壽夭皆坐因持以驗之不少差最好飲酒時時入市竟日必酣醉而返而囊無一錢人皆云能點良以自給達原欲測其量召善飲者四人更迭與飲自朝至暮皆大醉張元自如夜入室中外人望見其倒壁下以足掛壁散髮垂瓦盆內酒從髮際滴瀝而出達原之祖德詮年七十餘矣張曰十八翁明年五月有大厄速用我法權禮可復延十歲徐氏不信以為道人善以言相恐

勿聽也語繞出口張已知之即捨去入城中羅漢寺明年五月德詮病達原始請之不肯行因死其徒有頭陀一人又秘藏紙畫牛一頭每與客戲則曰圖掛壁對生草其傍良久草或食盡或騎斃過半遺糞土地可掃也後

以牛與頭陀而令買大麻四十九斤紐為大索囑之曰吾將死死時勿棺殮只以索從肩至足通纏之掘寺後空地為塋埋我過七日輒一發視頭陀謹奉戒既死七日發其穴面色如渥丹至四十九日凡七發但餘麻索在并敗履一雙尸不見矣達原嘗贈之詩曰鐵

笛愛火風月夜夾衣能禦雪霜天伊子試問行年看笑指松筠未是堅張以匹絹大書之筆跡甚偉又以匹絹書煉汞法授達原達原死鄉人多求所書法其子夢良不欲泄舉而焚之

### 張拱

汴人張拱舉進士不第家甚貧母黨龔氏世為醫故拱亦能方術置藥肆於宜春門後坊仍不售嘗晨起披衣櫛髮沐浴頰有道士迎日而來自光炯然射日不瞬徑造肆中顧而不揖振衣上坐拱顧忿其倨傲作色問所來答曰汝無詰吾所從來正欲見汝耳拱意此妄人京師固多其比擲一錢與之麾使去夫曰吾無求於人以汝有道質故來誨汝何相

拒之甚邪拱悟取冠中而出與之語及仙家事理致精微聞所未聞於是始愧悔曰拱鄙人眼凡心惑仙君幸見臨願終教之道士曰汝何求曰家貧飢粥不繼僕使不食可飽俗上願也俄而鬻茶棗者來道士取先所擲視錢買之得七枚顧謂拱曰神仙以辟穀為不然却粒則無滓濁無滓濁則不漏由此亦可入道張子房諸人乃以丹藥療飢固已迂矣汝欲得此道自此不淫色可乎人能不淫俗念自息俗念既息則仙才也乃取七棗熟視而噓之曰汝噓此可終身不食人或強使之食亦無禁復欲不食則如初但汝有老母妻子未可相從然既噓七棗當應七夢豫為汝言汝事親既終婚嫁既畢已能不食復又何求宜脫身詣名山於懸絕處尋石穴深廣有容者自累石塞門一念不起坐卧行立於其間自有佳趣僅及半紀則汝之身如蟬出殼道遠乎六合之外矣過此非今日可語汝也言竟攝衣而起拱固留之不可起出門無所見拱乃知其非常人悵然有所失者累月聞

飲食輒嘔遂不食踰二年糞溺俱絕神氣明爽步趨輕利每自試其力從旦至暮緣京城外郭可匝者五反蓋數百里也前後得七夢如道士言不少差母病瘳二十年衆藥不驗謾以七棗餘核進之一夕而愈拱既不御內視其妻如路人妻郭氏性剛果忿恚而卒家人益憂疑之逼而餽之食食逆而吐前後或食或不食朋友疑其詐者扁諸室試之不以為苦人或召醫則攜藥而往至則登病者之床坐于旁雖逾旬涉月杯水粒無所需長飲好作詩行年六十而顏色如壯者後其母歿不知所終李方叔作傳

李笈

濟南李笈字定國寓臨安軍營中以聚學自給暇則縱遊湖山嘗詣淨慈寺過長橋於竹徑迷路見青衣道人林下斲筭笈揖之道人問所往曰將往淨慈瞻禮五百羅漢道人曰未須去且來同食燒笋食之甚美俄風雨晦冥夫道人所在爰惶懼伏林間少頃雨止尋徑而出至寺門下覺身輕神逸行步如飛洎

歸舍不復飲食其從兄名莫字大猷為諸王宮教授將之任遣僕致書見其顏如桃紅且能辟穀以語大猷及大猷至則已去云辨茅山矣後又聞入蜀隱青城山大猷為梓路提刑使人至肩訪所在肩守復書報數年前已輕舉乘雲而去今惟繪像存

蔣風子

蔣風子者本邵陽之居民賦性愚直言無忌憚人事不入或有不拘賁賤面而伸之周遊南嶽見中嶺陟峻出意修之亦不知其宿食之所忽日有樵者頂青巾負薪而帶甕之曰千辛萬苦而食用不給與子一粒藥吞之力可陪笑自此但飲水而已衣衫盡棄寒暑不問衆稱之曰風子周游湖湘常便卧獨路雖勢位不能屈羣藥不能加虎狼無所損獨行自語人莫之測

莫道人

莫道人者容州人居石峒入山不知其幾年問之亦自不言歲數山下父老或有八九十歲者言自小年已見其豐姿令其容貌鬚鬢

不異於昔精力甚健登山如飛遇飲而飲遇食而食或碎穀數日不避寒暑蕭然一庵傍無侍者常夜坐於飛雲頂石巖間有虎侍傍不叱遣之連旦乃去貴宦遊山求見之多不遇遣之詩者不一宋理宗末年猶在

歷世真仙體道通鑑卷之五十二

歷世真仙體道通鑑卷之五十三

十一

浮雲山聖壽萬年宮道士趙道一編修

林靈龜

先生姓林本名靈龜字通叟温州永嘉人也家業寒微其母夜歸覺紅雲覆身因而有孕懷胎二十四月一夕夢日光入室有神人衣綠袍玉帶眼出日光執筆告曰來日借此居也翌日陰雲四合霹靂三聲先生即降誕金光滿室相貌殊倫長五歲不語時五月五日風雨大作有道士頂青玉冠衣霞衣不告而入見先生喜曰久不相覩特來上謁相顧撫掌大笑出門追之不及自此能言出語有據不雜兒戲七歲讀書粗能作詩日記萬字蘇東坡軼來見以曆日與讀一覽了無遺誤東坡驚異曰子聰明過我富貴可立待先生笑而答曰我之志則異於先生矣東坡云子當如何先生曰生封侯死立廟未為貴也封侯虛名廟食不離下鬼願作神仙子之志也先生年將三十博通儒道經典志慕清虛語論孤高迥脫塵俗初先生遊西洛遇一道人姓

趙交游數載忽一日道人云我大數將至與子暫別後事望子主之七日果死乃在客舍先生竟為沐浴安葬遺下青錢二十五貫盡其數用不餘不闕及遺衣囊中有書三冊細字如珠間有天篆人莫能識分為十九篇盛以絳紗題云付與林某冊上題曰神霄天壇玉書皆有神仙變化法言與雲致雨符咒驅遣下鬼役使萬靈冊尾有支使二十五貫錢數逐項皆合先生自受其玉書豁然神悟察見鬼神誦呪書符策役雷電追攝邪魔與人禁治疾苦立見功驗驅瘟伐廟無施不靈先生次年至岳陽酒肆復見趙道人云子乃漢天師弟子趙昇也向者所授五雷玉書謹而行之不可輕泄即日為神霄教主雷霆大判官東華帝君有難力當救之崇寧五年中秋夜徽宗皇帝夢遊神霄府赴玉帝所召乘車輦侍衛森列騰空而上遙望金闕門仙官玉童金甲力士備守之次見一人星冠法服執圭前引帝入闕門上有朱牌金字曰神霄玉闕之門次向西有一門殿上牌曰碧霞之殿